

關中金石文字存逸考

關中金石文字存逸攷卷四

揚州甘泉毛鳳枝撰

長安縣下

唐

雲麾將軍張安生墓誌銘

行書

天寶十四載二月

逸

全文見古誌石華

誌云葬於龍首原古誌石華云是誌出自長安

爲甯武楊君

元泗

所得今則未詳所在矣俗亦

謂之小雲麾以別於蒲城之雲麾碑也

定遠將軍守左武衛將軍內長入供奉張毗羅墓誌

銘

行書  
天寶十四載八月

未詳所在

全文見古誌石華續編

誌畧云公諱毗羅其先清河人也父諱毗羅奕  
葉承家隱輪不仕公累襲沖和之氣克遵高尚  
之風拜定遠將軍守左武衛將軍以天寶十四  
載八月廿七日薨於金城里之私第春秋七十  
卽以其載十一月十七日葬於承平鄉原之禮  
也

此石近出長安未知移徙何處誌中譌字甚多  
如隱淪之淪作輪延陵之延作賢地下之下作

夏鳴金雞之鳴作明皆極不可通之字疑出於  
村學究之所爲也 誌前題銜云內長入供奉

新唐書百官志十六衛左右監門衛左右翊中  
郎將所屬有長入長上二十人內長入供奉亦  
長入長上之類也山西永甯州有何知猛墓誌  
天寶七載何君名知猛其父亦名知猛此誌張君名  
毗羅其父亦名毗羅皆他誌所罕見者

劉智暨妻孫氏合葬墓誌銘

張邁文行書  
天寶十五載五月

未詳所在

全文見古誌石華續編或以爲此石已移至京

師未知其審

誌畧云君諱智字奉智其先彭城郡人今爲京兆府涇陽縣人也曾祖寶皇右領軍衛折衝都尉祖敬左衛果毅都尉父柱右武尉長上折衝左羽林軍宿衛友兄奉進見任銀青光祿大夫行內侍省內侍彭城縣開國男食邑三百戶武部常選享年不永春秋卅有五天寶二載九月十二日終於私第夫人孫氏早瘞幽壤以天寶十五載歲在浚灘五月甲寅朔十九日壬申合葬於京兆府長安縣國城門西七里龍首原

龍門鄉懷道里

此石本出長安今未知移徙何處帖肆本有

蘇靈芝書者乃重模也誌中友兄之友疑作有

爾雅太歲在丙曰柔兆在申曰涪灘此誌但云

歲在涪灘未書柔兆蓋僅記地支未記天干耳

施燈功德經

正書  
乾元二年二月後附尊勝咒

未詳所在

全文未見

寰宇訪碑錄云在長安今未詳所在

尊勝陀羅尼經幢

正書沙門譚素述記贊爲大德  
元真作文中永泰年號

未詳所在

記贊見金石萃編

寰宇訪碑錄云在長安今未詳所在金石萃編  
謂此幢爲宣化寺幢

眞化寺尼如願律師墓誌銘

僧飛錫撰秦昊正書  
大曆十年七月存

全文見古誌石華

誌云葬長安城南畢原長安縣志云此石在城  
南二十里塔坡長安縣志輿圖塔坡在西安府  
城南鄉姜村之南塔坡本屬姜村厰也又長安  
圖云塔坡在韋曲西以有浮圖故名寰宇記云  
卽漢鴻固原也○案此誌舊拓本頗稱完好今

此石已裂爲數塊矣

一切如來心眞言并明覺寺持律尼心印記

行書大歷十

三年正月

未詳所在

全文見金石萃編補遺

同治四年乙丑西安重修貢院工人培土得之

今未知移徙何處矣

大秦景教流行中國碑

僧景淨撰呂秀巖正書建中二年太簇月

未詳所在

全文見金石萃編

雍州金石記云在西安府西城外五里崇仁寺



俗名金勝寺一名崇聖寺

屬長安境

案兵燹後寺燬

於火原石未詳所在

月令孟春之月律中太族太族正月也

蘇君殘墓誌

正書

貞元二年五月

逸

殘字備錄

缺

貞於立身行必有恆

缺

隨夜壑之遷建中二

年

缺

少政里之私第春秋歷一百八十六甲子

矣嗚呼生也有涯古今之大分來而必往運序

之屈申以貞元二年五月八日遷窆於終南耐

之舊塋禮也詢時之制以塔代封略述斯文刊

於貞石銘曰

于嗟蘇君運何促兮忽焉長往

隸幽籙兮蕭蕭悲風生拱木兮奕奕方墳在林  
麓兮

此石前半殘缺後篇頗可讀敘次簡潔書法似  
徐會稽吉光片羽可寶也一百八十六甲子每  
歲得甲子六此君春秋實三十一也誌云以塔  
代封又云奕奕方墳俗人用浮屠之制唐時習  
俗如此誌前題銜旣缺亦無篆蓋因銘語故知  
爲蘇君耳此石未經前人箸錄陽湖楊君豫生  
得拓本一紙出以示余因加攷證焉

張公夫人王氏墓誌銘

楊自政撰正書  
貞元八年二月

未詳所在

全文見古誌石華續編

誌畧云夫人爲王公處泰之二女貞元八年二月廿九日終於京長安縣義甯里之私第春秋七十有五卽以三月廿二日葬於城西龍首原禮也嗣子奉天定難功臣雲麾將軍守左金吾衛大將軍兼試太常卿上柱國開國伯右神策軍副將專知苑內都巡宐孤女笄於高氏并號叫擗地氣絕無聲以託斯文刻之銘記云云此石舊爲平湖孫君桂珊三錫所得今未知移徙何處

閻某妻張氏墓誌銘

楊暄撰劉釗書  
貞元八年五月

逸

全文見古誌石華

誌云葬於長安城西龍首原案此石本出長安

今久逸矣釗卽釗字玉篇釗弩牙也集韻音求

內侍王庭瓌妻馮氏墓誌銘

史恒撰正書  
貞元八年十月

逸

全文見古誌石華

誌云葬於長安縣龍首原案此石本出長安今

久逸矣

左果毅都尉樊口言墓誌銘

正書  
貞元九年

未詳所在

全文未見

續寰宇訪碑錄云在長安今未詳所在

佛頂尊勝陀羅尼經幢

元惟清正書  
貞元十八年五月下有元和

十三年題字

未詳所在

寰宇訪碑錄云在長安今未詳所在

昭武校尉守左驍衛將軍上柱國陳義墓版文

侯錄  
撰邱

瓶行書

永貞元年十一月

逸

全文見古誌石華續編

誌畧云公諱義字興河南人也王父克同考福  
滔素自高疎於榮祿公屬天寶季祀羯胡干紀  
激仁爲勇移孝作忠侑定遠之從戎期征虜以

效節官至左驍衛將軍策上柱國春秋七十有二永貞元年十月六日卒於上都金城里之私第嗣子叔甯年齒尚幼夫人河南邱氏茹荼飲泣庀於喪事以其年冬十一月二十有五日庚申葬於長安縣龍首原禮也

此誌行書頗爲道逸原石爲一士人所得忽將文字磨去不解何故今帖肆所行乃重模本也新唐書百官志武散階四十有五正六品上曰昭武校尉左右驍衛將軍各二人從三品

裴承章墓誌銘

于方撰正書  
元和元年十一月

未詳所在

全文見古誌石華續編

誌畧云有唐故待御史裴公諱琚貞元十七年  
貶崖州澄邁縣尉至二十年十一月終於南海  
有一子曰承章護靈車由東洛將歸京師在路  
遘疾至永甯竟終焉春秋廿矣以元和元年四  
月將柩至城其年十一月廿六日歸葬於城南  
陪先父之塋禮也

此誌本出長安今未詳所在矣撰文之于方爲  
于頔子其名附見新唐書于頔傳中又寶刻類  
編所載贈司空于夔碑係其孫于方八分書元

和十二年六月立寶刻類編所載之于方卽此誌之于方也

孟再榮造像記

行書  
元和三年七月

存

全文見隋唐石刻拾遺

隋唐石刻拾遺云在西安佛寺寰宇訪碑錄云在長安或云在鐵塔寺

尊勝陀羅尼經幢

正書  
元和四年八月

未詳所在

長安縣志云此石幢後記云元和十二年二月常政大師於永興里廣福寺遷化葬此并正書在城南今未詳所在



心經

正書

元和五年正月

逸

隋唐石刻拾遺云此石甯武楊君

元涇

得之長

安石裂爲三書法秀整案此石今已移徙他處

未詳所在

尊勝陀羅尼經幢

正書衛洵贊序

元和六年二月又有大中六年重

立題字

未詳所在

寰宇訪碑錄云在長安今未詳所在矣案通鑑

唐宣宗紀大中六年中書門下奏自今諸州準

元敕許置寺外有勝地靈迹許修復云云此幢

重立於大中六年正其時矣

太常寺奉禮郎李繼墓版文

李紳撰正書  
元和十一年七月

逸

全文備錄

唐故試太常寺奉禮郎趙郡李府君墓版文

親弟前守太學助教申撰

府君諱繼字興嗣晉陵府君之長子先夫人裴氏出也府君娶博陵崔□□高壽六十一以

元和四年三月三日終於常州無錫縣寓居葬於□□□□之陽至十一年秋七月廿有□弟

紳啓奉歸於長安白虎原陪祔王父鄆縣府

君塋之後七十六步冬十一月庚寅封樹畢事

嗚呼 先兄有文學信義不幸無位天何不仁  
又絕其嗣有女二人一已□□其幼猶室嗚呼  
紳遠自淮南□□□□□□淚血而東之諸侯咸  
爲具事達□□□□所可恨者崔媿以信□巫神  
不護靈旒可爲痛哉敢誌於石用告幽壤謹誌  
博陵不義不順不奔不護明神有知終不得耐  
此石久逸案唐書宰相世系表李紳之祖名守  
一官成都郫令表與誌合紳父名晤官金壇令  
誌作晉陵令自當從誌爲正紳字公垂後官宰  
相唐書有傳惟史言紳官國子助教誌作太學

助教爲小異耳紳在唐以詩名時號短李白香山詩苦教短李伏歌行卽其人矣此誌文筆簡淨詞無枝葉亦習古文者惜石文剝落未窺全豹爲可憾也末行韻語近於詛誓之詞爲古誌所罕見繼妻崔氏其後仍附於繼墓誌文亦紳所撰詳考見後又宰相世系表未載李繼之名得此可補其闕媵卽嫂字閣帖中嘗有之或云五更卽五叟豈更叟二字相通歟百官志國子監助教五人正六品上

經幢

正書

元和十二年

未詳所在

寰宇訪碑錄云在長安今未詳所在矣

龍花寺尊勝陀羅尼經幢

韋同元撰記正書  
元和十三年七月

未詳所在

記文見隋唐石刻拾遺

長安縣志云尼弟子如一等爲契義造在城西  
龍華尼寺卽昇道坊此幢字畫端整在唐幢中  
極爲完具鳳枝案契義有墓誌銘爲韋同翊撰  
詳見咸寧誌云植尊勝幢其前亦浮屠教也當指此  
幢而言此幢拓本上元車秋  
船曾得于長安市中惟誌云契義葬於  
萬年縣洪固鄉之畢原而此幢則出長安縣境

疑今長安縣東南境實得唐萬年縣西南境契  
義之墓當在今長安境內矣今契義墓誌尙有  
拓本而此幢拓本則未見焉

心經

李常暉正書  
元和十四年三月

存

此石新出長安縣西北漢故長安城中

長安人  
今呼爲

陽甲城一  
名未央宮

冀王府右親事典軍邵才志墓誌銘

邵仲方撰魏瓊  
行書 元和十

四年十一月

逸

全文見古誌石華續編

誌畧云典軍諱才志字元甫望出高平萬年縣

人也曾祖慶祖諱儀皇不仕父諱明皇昭武校尉守恭王府左帳內副典軍上柱國賜緋魚袋公卽長男也立身從事卅餘年建中四年朱泚寇逆陷沒城墀執持堂印隨駕奉天重圍之內苦歷艱危遂遷五品歷更九任元和十四年八月廿七日偶遇朋友酒筵至夜有司糾劾詔下書刑貶於坊鎮又遭寒熱伏枕數旬子全亮妻張氏親看扶舉藥餌無效春秋五十有五元和十四年己亥歲九月廿七日終於坊州館舍其年十一月十六日舉葬於長安縣承平鄉史劉

村附先代瑩之禮也

此石舊出長安今未知移徙何處新唐書百官志王府親事府典軍二人正五品上帳內府副典軍二人從五品上恭王名通代宗子冀王名鉞初名湑順宗子見新唐書十一宗諸子傳○新唐書車服志高宗給五品以上隨身魚袋以防召命之詐入內必合之三品以上金飾袋垂拱中都督刺史始賜魚景雲中詔衣紫者魚袋以金飾之衣緋者以銀飾之開元初駙馬都尉從五品者假紫金魚袋都督刺史品卑者假緋



魚袋五品以上檢校試判官皆佩魚百官賞緋

紫

車服志紫爲三品服緋爲四品服淺緋爲五品服官不及品得著緋紫皆賞賜也必

兼魚袋謂之章服

鳳州司倉參軍司馬宗妻孫氏墓誌銘

賈中正撰正書元和十

五年十一月

逸

全文見古誌石華

誌云遷於國西河城南原原名未詳所在今有

重模本

尊勝陀羅尼經幢

曹口口正書寶曆元年四月

未詳所在

長安縣志作大德惠澄經幢云在梗梓谷隋唐

石刻拾遺云在終南山後有銘并序爲湛大師  
之弟子頌師而作門人國珍智藏列名者二十  
人

大悲心陀羅尼經幢

行書徐智端刻  
大和三年七月

未詳所在

寰宇訪碑錄云在長安

左神策護軍中尉劉洪潤妻楊氏墓誌銘

魏則之撰  
李約行書

大和四年十月

逸

全文見古誌石華誌云窆於鳳城西之龍首鄉  
龍首原此誌有跋語三通一云右唐劉公夫人  
楊氏墓誌并篆蓋戊子仲秋余獲於長安書法

工整石刻完全其可寶也

富山嚴  
介謹識

一云道光己

丑重九日鎬京吳大志觀于啓後堂一云熾侯  
學博獲此石較比年新出諸唐刻特爲完整益

用柳葉篆碑文字畫謹飭精神團結得顏家廟

筆意李公在晚唐以詩名不知其善書如此熾

侯精於鑒古寶之宜矣

庚寅清和之月青  
門李俱菘安氏跋

古誌石華云此誌與其子仕公墓誌皆出長

安今未詳所在矣鳳枝案此誌字迹完好如新

似懷仁聖教序亦唐人院體書也李菘安氏謂

其似顏家廟碑似覺未諦其謂李公在晚唐以

詩名考全唐詩小傳有李約字存博汧公勉之

子官兵部員外郎

亦見新唐書宗室世系表

書誌之李約豈

卽其人歟

劉仕備誌考見後

香積寺經幢

正書王口行造大和四年十一月

未詳所在

長安縣志云在香積寺

尊勝經幢

正書董瑾爲父造後有序贊大和六年二月

未詳所在

寰宇訪碑錄云在長安

百塔寺尊勝經幢

僧徹川撰序无可正書大和六年四月

雍州金石記云在西安府城南五十里百塔寺

關中金石記云无可賈島從弟字法學柳公權

鳳枝

案咸陽縣有寂照和上碑亦无可書也

眞空寺陀羅尼經幢并記

張模撰記并行書  
大和六年八月

存

記文見隋唐石刻拾遺

寰宇訪碑錄云在長安咸寧縣志云在終南山

長安縣志云在城西隋唐石刻拾遺同

晉空和上塔銘

王申伯撰田復正書  
大和七年八月

逸

全文見隋唐石刻拾遺畧云起塔於畢原畢原

在長安縣西南案此石今已破碎餘字無多矣

御史大夫溫□造先廟碑

牛僧孺撰正書  
大和七年

未詳所在

全文未見

寰宇訪碑錄云在長安今未詳所在矣

丙侍省內寺伯朱公夫人趙氏墓誌銘

崔鏐撰行書  
大和八年十

月

逸

全文見古誌石華續編

志畧云夫人姓趙氏其先天水人歸于朱氏大  
和八年四月十六日終於長安輔興里之私第  
享年七十有五先府君元和七年卽世權窆於  
京兆長安縣龍門鄉石井村今以其年十一月  
十四日改卜新阡重安窀穸于承平鄉大嚴村  
合祔禮也嗣子朝政官闈局令充閤門使兩女

長適濮陽吳氏先夫人二歲而卒次適彭城郡

劉氏

此石本出長安今久逸矣百官志內侍省宮闈局令二人從七品下丞二人從八品下

李繼妻崔氏墓誌銘

李紳撰正書  
開成三年戊午七月

逸

全文備錄

唐故博陵崔氏夫人

李府君墳前誌文

宣武軍節度使

以下缺

尚書兼御史大夫李紳撰

夫人博陵崔氏祖璉父□以貞元丙寅歲移天

從於李氏先府君禮也府君以元和庚寅歲終  
於無錫縣私第以元和丙申歲歸祔於白鹿原  
夫人以大和甲寅冬十月十五日終於越州觀  
察使之官舍春秋六十有九夫人無嗣子有女  
子一人已出也嫁於河東裴□達亦先霜露孤  
女歸我與弱子苑苑先祖母夫□□□疾終開  
成戊午歲春正月啓夫人於□李與□□□□  
苑歸其裴氏大墓夫人合祔於先兄奉禮郎□  
□□秋七月旣晦乙酉合封禮畢夫人柔淑謙  
順□□□於府君先志嗚呼夫人有姊妹五人



而鮮兄弟先兄娶夫人而無嗣子夫人之女子  
適裴氏一子中殤以亡崔李裴三世皆絕允豈  
天乎不知者陰隲耳銘以志言用符元室銘曰  
奉禮清德夫人淑儀廿五載和鳴婉隨諧彼琴  
瑟終無祿仕家食是肥荆釵自貴商庸有偶伯  
道無嗣歸□□□□永祕

此誌與李繼誌均未詳所在矣兩誌皆李紳撰  
文簡雅潔峭故錄之商庸事未詳

左神策軍正將陳士揀墓誌銘

琅潯撰正書左行  
開成五年正月

未詳所在

全文見古誌石華續編

誌畧云君諱士棟字適之其先潁川郡人也祖  
新父運晦迹不仕君藝攻騎射學覽詩書誓志  
從戎將身許國爰起隊將遷授押衙及天威併  
於神策以右廂隸屬西軍仍加正將乃元和九  
年矣後屬中外多事侍衛勤勞自振威校尉累  
至金紫遷試到詹事官改監察殿中侍御史轉  
勳上柱國進爵潁川公食邑二千戶未婚有子  
三人曰宗敬宗直宗楚及娶扶風斑氏女生子  
曰宗峻宗師夫人先君而逝享年廿二終於修

德里第卽元和十一年四月廿六日以其年六月廿六日寔於長安縣承平鄉大嚴村陳氏之先塋禮也公以開成四年八月廿一日終於修德里第年五十四以來年正月十九日嗣子宗峻等護靈輦合祔先夫人之塋遵周制也

此誌舊出長安今未詳所在矣新唐書兵志元和二年省神武軍明年又廢左右神威軍合爲一日天威軍八年廢天威軍以其兵騎分隸左右神策軍誌云天威併於神策以左廂隸屬西軍卽其事也百官志武散階四十有五從六品

上曰振威校尉東宮官詹事府太子詹事一人  
正三品少詹事一人正四品上○誌云合祔遵  
周制也禮記檀弓篇季武子曰周公蓋祔謂合  
葬自周公以來始誌蓋本此

陀羅尼經幢

正書元政等造記銘泐  
開成五年三月

未詳所在

寰宇訪碑錄云在長安長安縣志云石已三段  
今未詳所在矣

杜城店尊勝陀羅尼幢

沙門敬思正書  
會昌元年後云杜成店合村

未詳所在

者宿等造

寰宇訪碑錄云在長安今未詳所在矣

鐵塔寺陀羅尼經幢

正書

會昌三年八月末有龍首鄉與

臺里字

未詳所在

寰宇訪碑錄云在長安今未詳所在矣

柳氏女墓誌銘

兄柳仲郢撰正書  
會昌五年六月

未詳所在

全文見古誌石華續編

誌畧云妹名曰老師會昌五年五月二十一日

夭於昇平里第享年一十有六粵以六月二日

一日葬於杜城村兄仲郢執筆誌其石云

此誌本出長安後歸岐山宋氏今未詳所在矣

有重模本

此誌字迹似柳誠懸仲郢爲誠懸從子當習其  
家書或卽誠懸所書未可知也○誌云葬於杜  
城杜城今屬長安縣南鄉姜村廩

義陽鄉經幢

李朝成等造  
大中二年二月

未詳所在

隋唐石刻拾遺云在長安縣西南二里今未詳  
所在矣長安縣志云義陽鄉在縣西南二里

尊勝經幢

正書

大中二年六月內侍省李文端夫人造有

掖庭局宮教  
博士等銜

未詳所在

寰宇訪碑錄云在長安今未詳所在矣新唐書  
百官志內侍省掖庭局令二人從七品下丞三

人從八品下宮教博士二人從九品下

柳知微妾陳氏墓記

柳知微撰并正書  
大中四年十二月

未詳所在

全文備錄

唐故潁川陳氏墓記

陳氏諱蘭英大和中歸於我凡在柳氏十有七年是非不言於口喜怒不形於色謙和處眾恭敬奉上而又諳熟禮度聰明幹事余以位卑祿薄未及婚娶家事細太悉皆委之爾能盡力靡不躬親致使春秋祭祀無所闕遺微爾之助翳不及此無何疾生於肺纏綿不愈以大中四年

十二月三日終於昇平里余之私第年四十先  
有一女曰婆女五歲不育今有一男曰紹蟬年  
未成童卽以其月十一日葬於長安縣永壽鄉  
高陽原慮陵谷變遷失其所在遂書石紀事置  
諸墓門云爾朝議郎前行京兆府富平縣尉柳  
知微記

此石舊出長安後爲懷甯張木三購去攜至山  
左今未詳所在矣書法似柳誠懸蓋習其家書  
者歐陽公集古錄有孔岑父碑係柳知微所書  
知微在當時亦有書名也



陀羅尼經幢

行書石裂爲二  
大中六年正月

未有寺主幼恭都維那

從謹名

未詳所在

寰宇訪碑錄云在長安今未詳所在

佛頂尊勝陀羅尼經幢

正書

大中九年十二月陳鴻爲亡

妻武氏建於  
永壽鄉姜村

未詳所在

長安縣志云在姜村今未詳所在矣

姚夫人權葬石表

劉蛻撰李坤正書  
大中十一年五月

未詳所在

全文備錄

先妣口夫人權葬石表

石蓋刻唐姚夫人權  
葬石表八字亦正書

姚爲得姓其源神靈爲帝孝友綿綿爵土弗絕

其後有衛將軍以城抗賊戰於雲中而死諱節  
生祕書郎救其姊喪因溺死汴渠諱憬生饒州  
長史諱洽是爲皇考也太夫人歸劉氏生一子  
始稚孺坐於膝手持孝經點句以教之旣長搢  
揆不縱戲惰令從師學古文旣壯爲達者所稱  
以其往往天得迹絕太夫人喜曰吾之子  
斯足矣萬鍾豈厭吾心乎所謂無能則憐之是  
也蛻不天進士及第初從壽州賓幣遇其守黜  
戾無足倚未五月自引去其後選補校書郎不  
得視朝夕未踰月又罷去自從宦與丐遊未嘗

逾三時雖病癢食齊皆在其側所悔者受祿未嘗得半年月費未嘗滿二萬故生不得極煎和滫瀡之養華縟園第之虞不孝不敬罪死宜天不赦今者助教於大學校理於集賢又歷於寒饑故儀衛不周衣廩儉薄欲終大事所未成也且蛻猶爲羈也今故穿土周棺邱封四尺同於葬 至於飭棺以輶器用不就表其權焉庶先公之祀若不卽威委質負擔得有積資當廣墳杵以衍其阡克從耐禮雖其刺奢不敢避也大中十一年二月甲午棄其孤於長安宣平里之

寓舍五月庚申權奉於城南畢原春秋七十二  
孤蛻不獲卽死歲時躬奉常事無旁親諸孫幼  
復起自省具或曰須銘乃號而記方石以表墓  
亦不銘也 將仕郎祕書省正字李坤書

右唐劉蛻母姚夫人權葬石表舊出長安今未

詳所在矣攷新唐書藝文志劉蛻字復愚咸通

中書舍人有文泉子十卷蛻爲長沙人

見蛻自撰文家

銘方唐時荆南每解送舉人多不成名號曰天

荒大中四年蛻領荆南府解及第

唐荆南節度領潭州卽長

沙郡今長沙城中有蛻園云是復愚故宅也崔鉉作鎮以破天荒錢

七十萬資蛻蛻謝書畧曰五十年來自是人廢  
一千里外豈曰天荒其事互見見聞錄及唐摭  
言中又唐闕史云裴休尙古好奇嘗得古器曰  
盜有大篆九字曰齊桓公會於葵邱歲鑄裴公  
寶之猶鍾珞郜鼎也一日設食會門弟子出器  
於庭則離立環觀迭詞以質獨劉舍人蛻以爲  
非當時之物近世矯作也公不悅曰果有說乎  
紫微曰某幼專邱明之書且載小白桓公九合  
諸侯取威定霸葵邱之會第八盟錫山顧復初  
氏棟高春秋  
大事表引李氏廉說曰衣裳兵車之說止見穀  
梁傳范氏甯以莊十三年會北杏至僖九年會

葵邱此衣裳之會十一也僖八年會訖至十六  
年會淮此兵車之會四也兵車四會穀梁皆發  
傳無可疑獨衣裳十一諸儒更牽合論語九合  
之說而異論以起范氏則去貫與陽穀爲九謂  
此二會本非管仲之意鄭康成則去北杏以爲  
經文無諸侯併去貫與陽穀于是分葵邱之會  
與盟爲二以足九之數或又不分葵邱而增入  
公子結之盟皆無據但衣裳兵車本只穀梁一  
家之說而論語九合朱子用展喜之言訓九作  
糾則諸說紛紛可不必辨專用穀梁十一之說  
可也厚枝案葵邱之會穀梁傳以爲第十一范  
氏及鄭康成均以爲第九劉蛻以爲第八盟諸  
說不同今并存之又案春秋僖二年齊侯宋公  
黃人盟於貫杜注云貫宋地梁國蒙縣西北有  
貫城貫與貫字相似公羊傳作盟于貫澤劉向  
新序亦引作貫澤穀梁傳作盟于貫方輿紀要  
云貫城在河南歸德城西北又山東曹縣西十  
里有蒙澤城古貫國春秋時爲宋之貫邑史記  
齊宣公四十九年與鄭人會西城伐衛取毋邱  
貫作世又譌世爲毋也時貫邑蓋屬衛漢爲蒙

縣地元帝封梁敬王子爲黃鄉侯唐置蒙澤縣屬曹州是貫字當從貫爲是也○陸德明音義左傳于貫字下音古亂反貫城二字下音市夜反又音世公羊傳于貫澤下音古亂反并云二傳無澤字穀梁傳于貫字下亦音古亂反并未分晰今并錄之又按禮經諸侯

五月而葬同盟至既葬然後卒哭卒哭然後定

諡則葵邱之役實在生前不得以諡稱此乃近

世矯作也裴公洗然而悟命擊碎然後舉爵盡

飲而罷懿宗咸通時蛻官左拾遺懿宗宴遊無

節又以宦者閤門使吳德應爲館驛使蛻屢有

諫諍均不聽後以論令狐滄事宰相令狐綯之子出爲

華陰令事見通鑑是蛻於當時非特有文名其氣節

亦矯矯也全唐文劉蛻小傳云蛻字復愚自號

文泉子長沙人大中時擢進士累遷左拾遺中

書舍人

新唐書百官志門下省所屬左拾遺六人從八品上中書省舍人六人正五品

上開元元年改中書省曰紫微省故中書亦有紫微之名忤宰相令狐綯出

爲華陰令終商州刺史鳳枝以蛻於唐時以氣

節文章著新舊唐書均未立傳因哀其事迹見於他書者附於篇以爲知人論世之助其石表文中字義難解者復爲詮釋如左云

表云旣長掾撰不縱戲惰令從師學古文案正

韻掾音卓擊也博雅撰擊也讀若屑細繹文義



蛻蓋言其年既長其母教之甚嚴時時督責之

不縱之戲惰而令從師學古文也又云远蹊絕

迹張衡西京賦远杜蹊塞李善注云远道也蹊

徑也二字本此又云遇其守黹戾無足倚玉篇

黹深黑也又云儀衛不周衣廡儉薄說文廡陳

輿服於庭也從广欽聲讀若欵案此言治喪時所陳輿服也詳

見後周禮廡字攷又云飭棺以鞞禮記襍記諸侯其鞞

有鞞鞞同鞞昌占反緇布裳帷素錦以爲屋而

行注云鞞載柩將殯之車飾也大夫以布爲鞞而行士鞞

席以爲屋蒲席以爲裳帷注云言以葦席爲屋則無素錦爲帳又

云先公之祀若不卽威案小雅正月毛傳云威

滅也說文水部滅盡也從水威聲

亡列切

火部威

滅也從火從戌火死於戌陽氣至戌而盡詩曰

赫赫宗周褒姒威之

許劣切

威滅二字同義兩漢

儒者均從是說惟新安姚首源氏

際恆

所著詩

經通論云威與滅字微不同古人用字必有其

義今此二字義無考矣又云當廣墳杵以衍其

阡案杜牧燕將傳云田季安死墳杵未收家爲

逐客墳杵二字唐人習用字也唐人古文用奧

字始於韓昌黎曹成王碑其後皇甫持正

湜李

義山

商隱

段柯古

成式

皆效之至樊紹述

宗師

而僻澀極矣蛻之此文亦其亞也

吾鄉興化劉融齋先生熙

載藝槩云劉蛻文意欲自成一子如山書十入

蕭古漁父四篇辭若僻而寄託未嘗不遠學楚

辭尤有深致哀湘竹下清江招帝子雖止三章頗得九歌遺意此石本誌墓之

文而題云石表亦好奇之一端蛻所撰朱氏夢

龍解諭江陵耆老書梓州兜率寺文冢銘均著

錄文苑英華中明天啟甲子香城吳氏辭嘗刻

劉蛻文集此篇未載乃知古人文字散失者多

矣余既得此本亟爲補入文集中實一快事也

○又誌云無能則憐之案禮記表記篇云母之

親子也賢則親之無能則憐之誌蓋本此○新唐書百官志中書省所屬集賢殿院有集賢校理祕書省正字四人從九品下文散階二十九從九品下曰將仕郎

附周禮廡字考

案廡字周禮屢見天官司裘廡裘飾皮車注云

皮車遣車之革路也

遣車疏義見下文

故書廡爲淫鄭

司農云淫裘陳裘也元謂廡興也元鄭氏康成自名也若

詩之興謂象似而作之凡爲神之偶衣物必沽

而小耳

疏云沽衿也

春官司服其其復衣服斂衣服

奠衣服厥衣服掌其陳序注云故書厥爲淫鄭

司農云淫讀爲厥厥陳也元謂厥衣服所藏於

椁中疏云厥衣服藏於椁中者此則明器之衣服亦沾而小者也春官大司

樂泄厥樂器及葬藏樂器亦如之注云泄臨也

厥興也臨笙師鋪師之屬興樂器也興謂作之

也又春官大師帥瞽而厥作匱謚說文匱播文樞注云

厥興也興言王之行謂諷誦其治功之詩故書

厥爲淫鄭司農云淫陳也陳其生時行迹爲作

謚春官少師與厥注云從大師詩云知從大師見大師職云

厥作匱謚此言與謂春官眡瞭只梁事相瞽厥

與厥中明從大師也

樂器大旅亦如之注云旅非常祭於時乃興造

其樂器

案康成注未諱此蓋言眠瞭之職凡廠樂器之時往相瞽者以行事大旅之時

亦必用樂亦需眠瞭者往相瞽師也春官笙師廠其樂器及葬奉

而藏之注云廠興也興謂作之奉猶送

疏云送

而藏之也春官鑄師廠其樂器奉而藏之春官籥師

廠其樂器奉而藏之春官司干廠舞器及葬奉

而藏之春官巾車飾遺車遂廠之行之注云廠

興也謂陳駕之行之使人以次舉之以如墓也

疏云遺車謂將葬遺送之入壙者也檀弓云諸候太牢苞七个遺車七乘大夫亦太牢苞五个

遺車五乘春官車僕廠革車注云言興革車則遺車

不徒戎路廣闕萃輕皆有焉

戎路廣闕萃輕皆車名

春官

司常其銘旌建斂車之旌及葬亦如之注曰葬

云建之則行斂車解說之

說吐活反讀與脫同建斂車之旌及葬

亦如之疏云此謂在廟陳時建之謂以斂旌建

於遣車之上及葬亦如之此謂入墳亦建之○

鄭注葬云建之則行斂車解說之疏云鄭云葬

云建之則行斂車解說之者此釋經及葬亦如

之在廟陳時云建葬時亦建則惟有在道去之

使人各執遣車又各執斂旌是則斂車解說之

也說與夏官司兵斂五兵注云故書斂爲淫鄭

司農云斂陳也淫讀爲斂元謂斂興也興作明  
器之役五兵也士喪禮下篇有甲冑于笮夏官  
圉人凡賓客喪紀牽馬而入陳斂馬亦如之注

云廠馬遣車之馬人捧之亦牽而入陳

疏云此遣車之

馬遣車載所苞遺奠以入壙者皆人捧之云亦牽而入陳者亦於祖廟陳此明器也但遣車及馬各使人別捧故司常廠

旌注云行則解說之是也

案廠字周禮屢見先

鄭從故書作注訓爲陳

先鄭名眾字仲師注中稱爲鄭司農

後鄭

訓爲興

後鄭名元字康成

二說不同司裘廠裘注疏云

周禮一部之內稱廠者眾多故書皆爲注先鄭皆爲陳後鄭皆破從興興謂興象生時之物而作之必知爲陳非爲興是者車僕云廠革車圍人云廠馬亦如之卽是所廠車馬又禮記檀弓云竹不成用瓦不成味琴瑟張而不平竽笙備



而不和皆是興象所作明器非陳設之理故不  
從先鄭元謂廡興也若詩之興謂象似而作之  
者象似生時而作但僂惡而小耳巾車飾遣車  
遂廡之行之注疏云後鄭訓廡爲興卽言謂陳  
駕之者解廡爲陳駕也按下車僕云廡革車彼  
廡謂作之此文旣言飾遣車已是作更言遂廡  
之故以陳駕解廡也行之使人以次舉之以如  
墓也者於始祖廟陳祭之明旦大遣奠之後則  
使人以次抗舉人各執其一以如墓也司兵廡  
五兵注疏云先鄭一部之內廡皆從淫故云淫

淫爲陳後鄭皆不從者以爲廡與解之者見司服云共其復衣服斂衣服掌其陳序圉人職云凡賓客喪紀牽馬而入陳廡馬亦如之以此言之廡陳旣別則廡不得爲陳與象爲義也

厚枝

案疏中所言先鄭後鄭訓義迥別疏主後鄭今攷說文广部廡陳輿服於庭也從广欽聲讀若歆許氏之說本於先鄭又攷爾雅釋詁廡熙興也後鄭之說本於爾雅而後鄭於巾車注訓廡爲陳駕未嘗不取先鄭之義今合周禮所言廡字細繹其義仍以先鄭許氏之說爲長蓋衣服

車乘樂器五兵之類皆可作爲明器如大師率

瞽而厥小師與厥此二厥字萬難作明器解竊

以爲周禮厥字虛實兩用厥字從卞讀若儼似亦

廊廡之屬當係喪次地名其云率瞽而厥作匱

謚而如也蓋大師率瞽以如厥中諷誦治功之

詩陳其生時行迹以作謚也故下文小師與厥

疏云與在厥中此解最確是厥爲喪次地名之

一證今俗富貴之家治喪則設置棊棚陳其生

時所用衣服車馬儀仗之類以爲觀美今

之喪棚當卽古至云厥裘厥衣服厥樂器厥五

之所謂厥也兵厥馬諸厥字係實字虛用如公羊傳入其門

無人門焉者上門字指門戶而言下門字卽謂  
守門之人所謂實字虛用周禮廡裘諸廡字亦  
其類也廡馬係生前所乘之馬如以紙帛爲之  
何必牽而入陳卽或作爲輪蹄轉關而行恐古  
人不若是兒戲也今富貴之家出殯必具車馬  
肩輿行在柩前謂之坐馬坐轎坐車卽廡馬廡  
車是也如此則訓詁方明如後鄭專以明器解  
之則有不可通之處矣故曰先鄭及許氏之說  
爲長也

徐楚金氏錯說文繫傳廡字注曰周禮廡大裘若尙書先路在左塾之前之類

訓廡爲陳之義最爲明顯宜從之也蓋廡之陳設在未葬之前故

所陳仍係生時之物若明器則殉葬所用與廠中所陳自係兩事未可合而爲一故蛻文云儀衛旣不周全而所陳衣物亦儉薄也唐闕史言蛻幼專邱明之書今觀此誌所引知其更精於三禮矣○又案春官樂師凡喪陳樂器則率樂官注云率樂官往陳之蓋分言之則曰陳曰廠合言之則廠陳實一義也廠與陳當係對文此尤以經解經之一證○又案先鄭旣云廠故書作淫訓爲陳而考工記善防者水淫之先鄭復云淫讀爲廠謂水淤泥土畱著助之爲厚

此與訓陳

之義別新唐書薛大鼎傳滄州無棣渠久廢塞大鼎浚治其以厥爲塞卽本考工記注先鄭之

義先鄭旣以厥爲淫又以淫爲厥疑二字古音

相同可以互相假借也段茂堂氏玉裁說文解

字注云先鄭易淫爲厥古音同在七部也後鄭釋厥爲興古六部七部合音也是先鄭之訓仍係因兩字同音故互訓也

陀羅尼經幢正書大中十四年九月止二尺許未詳所在

寰宇訪碑錄云在長安今未詳所在矣

徐州功曹劉仕輔墓誌銘張元勿撰并正書咸通八年正月逸

全文見古誌石華誌云葬於長安縣龍首鄉祁

村案此誌本出長安今久逸矣新唐書百官志  
大都督府功曹參軍事一人正七品下中都督  
府功曹參軍事一人從七品上下都督府功曹  
參軍事一人從七品下

洪福寺經幢

行書先鋒兵馬使王□□造  
咸通十年二月

未詳所在

隋唐石刻拾遺云在洪福寺長安縣志云洪福  
寺在長安縣西門外

玉冊宮內供奉強瓊妻琅邪王夫人墓幢

行書前刻  
墓誌後刻

陀羅尼咒

乾符三年二月

未詳所在

全文見古誌石華誌云卜於祁村○雍州金石

記云在西安府城西五里金勝寺

即崇聖寺一名崇仁寺

兵燹後寺燬於火今未詳所在矣

洪福寺經幢

正書

乾符三年十二月內供奉楊万歲礎

未詳所在

雍州金石記云在西安府城西門外隋唐石刻

拾遺云在西安府洪福寺今未詳所在矣

尊勝經幢

宗肇建正書大順口年二月

未詳所在

長安縣志載其名

萬壽寺記

柳玘撰正書景福元年

存

全文見隋唐石刻拾遺○此石在長安縣西北



古長安城中亦名未央宮卽陽甲城也或云在

岐州者誤柳玘爲柳仲郢子唐書有傳

崇業寺尼真空塔銘殘石

正書  
無年月

未詳所在

文見隋唐石刻拾遺○隋唐石刻拾遺云在長

安今未詳所在矣

兵部常選朱庭璋造像殘字

正書  
無年月

未詳所在

竇宇訪碑錄云在長安今未詳所在矣

大士廟經幢

未詳所在

長安縣志云在縣西三橋鎮西門外今未詳所

在矣

百塔寺經幢

正書  
無年月

未詳所在

普賢寺經幢

正書  
無年月

未詳所在

右二種長安縣志均云在百塔寺今未詳所在  
矣

關中金石文字存逸攷卷四